

8. marts 2017

Inatsisartut suleriaasianni § 33 naapertorlugu matumuuna aalajangiiffigisassatut siunnersuut manna saqqummiunneqarpoq:

Nunatsinni innaarlutilinnut amigartumik naammaginangitsumillu neqerooruteqartarneq peqqutigalugu Danmarkimi innarluutillit ullumikkut siunissamilu inissinneqartartut/tussat pillugit Nunatsinni innaarlutilinnut sullissivimmik pilersitsisoqassappat periarfissat unammillernartullu pillugit Naalakkersuisut kingusinnerpaamik 2017-ip naannginnerani saqqummiunneqartussamik nalunaarusioqqullugit peqquneqarnissaannik Inatsisartut aalajangiiffigisassaattut siunnersuut.

(Siumup Inatsisartuni gruppia).

Tunngavilersuut:

2016-imi inuttaasut innarluuteqartut 132-it nunatsinniit Danmarkimi inissinneqarput Nunatsinni naleqqut-tumik paarineqarnissamik amigaateqarneq tunngavigalugu. Taamaaliornikkut innarluutillit ilagisaminnit, kulturiminnit, nunaminnit aamma pisut ilaanni aamma oqaatsiminnik atuinnerminnit avissaartinneqarsi-mapput. Nunatsinni innarluutilinnut qitiusumik sullissivimmik pilersitsisoqarpat, innarluuteqartut tamakku ilagisaminnut qaninnerulissapput aamma kulturikkut atukkaminniiginnassagalarput aamma nunaminni oqaatsiminnik atuiffigisaminniiginnassagalarput.

Innuttaasunut innarluuteqartunut taakkununga 132-iusunut inissiinissamut aningaasartuutaasussat 2016-imi 114,3 mio. kr.-inik amerlassuseqarput. Taakku innuttaasumut ataatsimut ukiumi ataatsimi 866.000. kr.-inik amerlassuseqassapput. Aningaasanit taakkunanga aningaasat ilaarpasui aningaasarsiatut aamma taamaalilluni aamma akileraarutitigut isertitaassapput.

Innarluutilinnut qitiusumik sullissivimmik innarluutilinnut naleqquttumik neqeroorutitalimmik pilersitsinissaq ajornassanngippat, innuttaasunut innarluutilinnuinaq pitsaanerusunik atugassaqartitaaneq neqerooruteqarnissaq pitsaanerulersinnaassanngilarput aamma ukiunut 114,3 mio. kr.-nit Kalaallit Nunaanni inuiaqatiginniinnissat aamma iluaqutaanissaat qularnaassavarput.

Innarluutilinnut sullissivik qitiusumik sullissivitalerlugu arlariinnik immikkut ilisimasalinnut toqqammavilimmik neqerooruteqarfiusunik immikkoortortalerlugu inerisarneqarsinnaavoq. Innarluuti-

linnut sullissivissap tunngaviusumik siunertarissavaa annertuumik innarluutilinnut ulloq unnuarlu sullissiviunissaa

Nalunaarusiami innarluutillit Danmarkimut allatut ajornartumik sullinneqartussanngorlugit nunatsinni sullinneqarfigisinnaasaanik amigaateqarnerput peqqutigalugu aallartittariaqartakkavut nalunaarsuorneqassapput.

Taamatuttaaq nalunaarusiami nunatsinni sullinneqartartussat sullissivissaan-nik pisariaqartitsinerat pillugu ilanngunneqassapput, taamaalilluta nunatsinni innarluutilittavut sapi-nngisaq tamaat atorlugu sullinneqarnerisa isumagineqartassammata.

Naatsorsuutaavoq nalunaaru-siami aningaasatigut sulisut piginnaasaatigullu unammillernarsinnaasut sammineqassasut, nunatsinni sullissivimmik paaqqutarinnittarfissamillu Danmarkimi sullissivinniittuutigit pillugit pilersitsissagutta, ilutigitillugu nalunaarusiami missingersuusiorneqassallutik siumut isigaluni sullinneqartussat amerlassusissaat.

Taamatuttaaq naatsorsuutaavoq nalunaarusiami ilanngullugit missingersuusiarineqassasut innarluutillit nunatsinneersut maanna Danmarkimi sullissivinni paaqqutarineqartut qassit nunatsinnut uternissaminnik soqutiginninersut pivusorsiortumik missingersuusiorneqassasut, utissagunillu suut toqqammaviit tunngavilersuutigissaneraat.

Namminersorlutik Oqartussanut aningaasaqarnikkut aamma allaffissornikkut kingunissai:

Nalilerneqarpoq nassuiaatip suliarineqarnera A/C-fuldmægtigip ataatsip ukiumut suliarisinnaasaasa naatsorsorneqarnerata ukiup affaaanik sivilissuseqassasooq suliap naammassineqartup nutserneqarnera ilanngullugu.

Nassuiaatip suliarineqarnera 250.000 kr.-it missaanik naleqassasooq nutsertinne-qarnera ilanngullugu naatsorsuutaavoq. Nutserneqarnera ilanngullugu nassuiaatip suliarineqarnissaa-nut aningaasat atugassat naalakkersuisoqarfiup tamatumunnga attuumassutillip ingerlatsinermut missingersuutaanit tiguneqassapput.

Inuussutissarsiuteqartunut namminersortunut aningaasaqarnikkut aamma allaffissornikkut kingunerisinnaasat:

Namminersortunut aningaasaqarnikkut aamma allaffissornikkut.kingunerissanik peqanngilaq.

Innuttaasunut aningaasaqarnikkut aamma allaffissornikkut kingunerisinnaasat:

Innuttaasunut aningaasaqarnikkut aamma allaffissornikkut kinguneqartitsisoqassanngilaq.